



ГОВЬСҮМБЭР АЙМАГ
БАЯНТАЛ СУМЫН ЗАСАГ ДАРГЫН
ЗАХИРАМЖ

2023 оны 04 сарын 19 өдөр

Дугаар 1/25

Баянтал сум

Хяналт шалгалтын ажлын хэсэг байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1, Захиргааны ерөнхий хуулийн 43 дугаар зүйлийн 43.1, 46 дугаар зүйлийн 46.1, Төрийн хяналт шалгалтын тухай хуулийн 4 дүгээр зүйлийн 4.1.6, 5 дугаар зүйлийн 5.2 дах заалтуудыг тус тус үндэслэн ЗАХИРАМЖЛАХ НЬ:

1.Сумын хэмжээнд хүнсний чиглэлийн үйл ажиллагаа явуулж буй иргэн, байгууллага, аж ахуйн нэгжүүдэд хяналт, шалгалт хийх ажлын хэсгийг дараах бүрэлдэхүүнтэй байгуулсугай.

Ажлын хэсгийн ахлагч - Лүн багийн Засаг дарга

Нарийн бичиг – Хүнс, жижиг дунд үйлдвэр, үйлчилгээ, хоршоо хариуцсан мэргэжилтэн

Гишүүд: - Нийгмийн хөгжлийн бодлогын мэргэжилтэн

- Хэвлэл мэдээллийн ажилтан

- Сумын цагдаагийн хэсгийн төлөөлөгч

2.Хяналт, шалгалтыг батлагдсан төлөвлөгөө, удирдамжийн дагуу улирал бүр зохион байгуулж, үр дүнг тухай бүр сумын Засаг даргад тайлагнахыг ажлын хэсгийн ахлагч, нарийн бичиг, гишүүдэд үүрэг болгосугай.

3.2023 оны хяналт шалгалт хийх ажлын төлөвлөгөөг нэгдүгээр хавсралтаар баталсугай.

4.Захирамжийн хэрэгжилтэд хяналт тавьж ажиллахыг сумын Орлогч дарга / Э.Эрхэмбаатар/-т үүрэг болгосугай.

ЗАСАГ ДАРГА

Б.ГАНБАЯР



422120454

БАТЛАВ СУМЫН
ЗАСАГ ДАРГА Б. ГАНБАЯР

ХЯНАЛТ ШАЛГАЛТЫН УДИРДАМЖ

2023 оны 04 дүгээр сарын 20

Дугаар 01

Лүн

Нэг. Шалгалтын зорилго, үндэслэл

Төрийн хяналт, шалгалтын тухай хуулийн 5³-1 дах заалтыг хэрэгжүүлэх зорилгоор цаг үеийн шаардлагаар зохион байгуулж буй арга хэмжээний үед хүнсний чиглэлийн үйл ажиллагаа эрхлэгчдийн үйл ажиллагаанд хяналт шалгалт хийж, хүний амь нас, эрүүл мэнд, хүнсний аюулгүй байдалд учирч болзошгүй эрсдэл, хууль бус үйлдлээс урьдчилан сэргийлэх, илрүүлэх, таслан зогсоох, илэрсэн зөрчлийг арилгуулах, холбогдох хуулийн дагуу арга хэмжээ авах, зөвлөмж, зөвлөгөө өгөх, хоол, хүнсээр дамжин хордлого, халдвараас сэргийлэхэд шалгалтын зорилго оршино.

Хоёр. Шалгалтанд хамрагдах асуудал, хүн, хуулийн этгээд, объектын нэр:

2.1 Шалгалтыг удирдамжид тусгагдсаны дагуу хүнсний чиглэлийн үйл ажиллагаа эрхлэгчдийг хамруулан хийж, чанар аюулгүй байдал, стандарт, эрүүл ахуйн шаардлага хангаагүй хүнсний түүхий эд, бүтээгдэхүүн зах зээлд нийлүүлэгдэх, хүний амь нас, эрүүл мэндэд сөрөг нөлөө үзүүлэх, эрсдэл үүсэхээс урьдчилан сэргийлэх, эрсдэлийг бууруулах, зөрчил дутагдлыг таслан зогсоох арга хэмжээ авна.

2.2 Хүнсний сүлжээний үе шат бүрт хэрэгжүүлэх зохистой дадал, дотоод хяналтын хэрэгжилт, хүнсний түүхий эд, бүтээгдэхүүний гарал үүсэл, чанар, аюулгүй байдлын баталгаажилт болон хүнсний аюулгүй байдлын талаар аж ахуйн нэгж, иргэдэд зөвлөгөө, зөвлөмж өгч, хэвлэл мэдээллийн хэрэгсэлээр мэдээлнэ.

2.3 Урьдчилан сэргийлэх хяналт шалгалтад хүнсний түүхий эд, бүтээгдэхүүнийг бэлтгэн нийлүүлэгч, хоол, хүнсний үйлдвэрлэл, худалдаа үйлчилгээ, хадгалалтын үйл ажиллагаа эрхэлж буй хүн, хуулийн этгээдийг хамруулна

2.4 Үйлчилгээнд хэрэглэж буй сав, хуванцар, нийлэг уут болон нэг удаагийн хэрэглээний аяга, таваг, халбага, сэрээ нь хүнсний зориулалтын баталгаажилтад хамрагдсан, эрүүл ахуйн шаардлага хангасан нөхцөлд хадгалж, хэрэглэж буй эсэхэд хяналт тавих

2.5 Худалдаа, үйлчилгээний цэгүүдэд эрүүл ахуйн нөхцөл, шаардлагыг хангасан ажлын байраар хангагдсан эсэх, хоол хүнсээр дамжих өвчин, хордлого, халдвараас урьдчилан сэргийлэх, зохистой дадлыг хэрэгжүүлж буй байдалд хяналт тавьж мэргэжил, арга зүйн зөвлөгөө өгөх

2.6 Хүнсний үйлдвэр, худалдаа, үйлчилгээ эрхэлж буй иргэн, аж ахуйн нэгж, байгууллагын ажилчид ЭМС-ын 2017 оны A/145 дугаар тушаалын дагуу эрүүл мэндийн урьдчилан сэргийлэх шинжилгээнд хамрагдсан эсэхийг шалгах, илэрсэн зөрчлийг арилгуулах, шаардлагатай тохиолдолд шинжилгээ хийсэн Эрүүл мэндийн байгууллага дээр очин, тулгаж үзэх

2.7 Худалдаа, үйлчилгээний газруудын ажилчдын ажлын хувцас, гар угаах газруудтай эсэх, тэдгээр нь эрүүл ахуй, ариун цэврийн шаардлага хангасан эсэх, угаалга, цэвэрлэгээ, халдваргүйжүүлэлтийг тогтмол хийж, бүртгэл хөтөлдөг байх

2.8 Хоол үйлдвэрлэл, хүнсний худалдаа, үйлчилгээнд хөдөлмөр хамгаалалын хувцас хэрэглэж буй эсэх, ажлын байранд ээмэг, бөгж зүүх, үс ил гаргахгүй байх гэх мэт ажилчдын ариун цэвэр, эрүүл ахуйд тавигдах зохистой дадлыг хэрэгжүүлдэг, эсэх

Гурав. Хяналт, шалгалтын төрөл:

Урьдчилан сэргийлэх хяналт, шалгалт

Дөрөв. Хяналт шалгалтын арга :

4.1 Хүнсний чиглэлийн үйл ажиллагаагаа эрхлэгч нарт үүсч болзошгүй эрсдэлээс урьдчилан сэргийлэх, эрсдэлийг бууруулах чиглэлээр мэргэжил, арга зүйн зөвлөмжөөр хангах

4.2 Шалгалтад хамрагдсан хүнсний чиглэлийн үйл ажиллагаа эрхлэгчтэй ярилцах, мэдээлэл сонсох, баримт бичгийг хянах, дотоод хяналтыг хэрхэн хэрэгжүүлж байгаатай газар дээр нь үзэж танилцана

4.3 Хүнсний аюулгүй байдлыг хангуулах, хэрэглэгчдийг соён гэгээрүүлэх чиглэлээр зөвлөмж, сэрэмжлүүлэг, мэдэгдэл хүргүүлнэ

4.4 Шаардлагатай тохиолдолд хүнсний түүхий эд, бүтээгдэхүүнээс дээж авч, итгэмжлэгдсэн лабораторийн шинжилгээнд хамруулах, чанар аюулгүй байдлын шаардлага хангаагүй бол татан авах, жстгах арга хэмжээг байгууллагын дотоод хяналтын доор хийж гүйцэтгэнэ

4.5 Шаардлагатай бол дүрс бичлэг хийж, фото зургаар баримтжуулж, баталгаажуулж болно

Тав. Хяналт шалгалт хийх бүрэлдэхүүн:

Лүн багийн Засаг дарга Э.Түмэн-Эрдэнэ, ЗДТГ-ын Хүнс, жижиг дунд үйлдвэр, үйлчилгээ, хоршоо хариуцсан мэргэжилтэн С.Оюунтүлхүүр, Хэсгийн төлөөлөгч ахлагч дэслэгч н. Даваадорж, ЗДТГ-ын нийгмийн бодлогын мэргэжилтэн Ч.Отгонцэцэг, хэвлэл мэдээллийн ажилтан Ш.Шинэбаяр

Зургаа. Хяналт шалгалтын эхлэх болон дуусах хугацаа

2023 оны 04 дүгээр сарын 20 ны өдрөөс 2023 оны 04 дүгээр сарын 30-ны өдрийн хооронд

Долоо. Урьдчилан сэргийлэх хяналт шалгалтын дүнг танилцуулах


7.1 Урьдчилан сэргийлэх хяналт, шалгалтын явцад хүний амь нас, эрүүл мэндэд хор хохирол учруулсан, учруулж болзошгүй нөхцөл байдал үүссэн, ноцтой эрсдэл, зөрчил дутагдлын талаар сумын Засаг даргад тухай бүр мэдээлж байна

7.2 Хяналт, шалгалтын нэгдсэн дүнг 2023 оны 05 дугаар сарын 05-ны дотор сумын Засаг даргад тайлагнана.

Хяналт шалгалт хийх ажлын төлөвлөгөө

№	Хэрэгжүүлэх үйл ажиллагаа	Гүйцэтгэх ажил, арга хэмжээ	Хугацаа	Шалгуур үзүүлэлт	Хариуцсан албан тушаалтан
1	Төлөвлөгөө гарган, батлуулах	2023 оны хяналт, шалгалтын ажлын төлөвлөгөө батлуулах	2023.04.19	ТХШТХууль	Ажлын хэсэг
2	Баянтал зоог	Хүнсний аюулгүй байдлыг хангах, ажлын байрны стандарт мөрдүүлэх	Улирал бүр	ЭМСайдын 2017 оны А/145 дугаар тушаал Хүнсний тухай хууль, Хүнсний авулгүй байдлыг хангах тухай хууль	
3	Монгол Зоог				
4	Аривжих	-Болзошгүй эрсдэлээс урьдчилан сэргийлэх мэргэжил арга зүйн зөвлөмжөөр хангах			
5	Сайжирна				
6	Оргил				
7	Хишигбаян-Уул ХХК	- Хүнсний аюулгүй байдлыг хангуулах, баримт бичгийг хянах, тухайн байгууллагын дотоод хяналтын үйл ажиллагаатай танилцах,			
8	Оюут-Боржигон ХХК				
9	Оорцог-Элгэн хоршоо				
10	Ерөнхий боловсролын сургууль	-Хүнсний гарал үүсэл			
11	Сургуулийн өмнөх боловсрол	- Итгэмжлэгдсэн лабораториор шинжлүүлсэн давсны агууламж			
12	Эрүүл мэндийн төв				

Төлөвлөгөө гаргасан:

Хүнс, жижиг дунд үйлдвэр, үйлчилгээ, хоршоо
хариуцсан мэргэжилтэн  С.Оюунтүлхүүр